


爰居閣詩


思亮敬著







Digitized by the Internet Archive  
in 2010 with funding from  
York University Libraries





爰居閣詩卷三

長樂梁鴻志衆異

古今體詩九十三首

正月南行道中六絕句

已下戊午

南來漸覺波紋軟  
春到初徵菜甲青  
殘雪數州爭過眼  
自家忘却鬢邊星

淮民歲儉爭爲盜  
江介春來復搆兵  
京國書生耽紙筆  
怪渠多事獨南行

淮流南去接明光  
時有村居占水鄉  
農事正閒春社散  
道旁微笑旅人忙

分月言卷二  
茫茫復此大江橫  
淘盡風流尙有聲  
孤艇自看鍾阜雨  
不勞流輩說神清

纔發昇州便潤州  
車行終夜傍江流  
分明舊識金焦影  
不入鐙窗豁睡眸

不踏淞濱又五年  
昔來秋盡此春前  
高樓遮斷吳娘曲  
只合瀟瀟聽雨眠

上海一品香旅次

小房曲檻與安排  
迷鳥羈雌競往來  
單枕自矜春睡好  
急絃遙遞雨聲哀  
歡場容易成追憶  
世事平生懶自媒  
候館明僮還笑客  
忍寒孤卧恐非才

相逢一首答哲維

年時纔別捲簾人隔歲相逢意更親  
雨枕昵談常破曉雲鬟低墮不關春  
丁寧小閣雙攜日護惜明珠未嫁身  
後約無憑前夢杳干卿何事費吟呻

廨舍海棠盛開感賦

才向江南見豔妝不殊走馬碧雞坊  
崇桃積李無顏色腰柳唇櫻漫較量  
不耐摧殘春漸晚最難抑按日初長  
平生英氣誰消得却爲花枝一斷腸

三月二十七日作

惘惘芳春去不回沈沈微抱鬱難開  
傷離自咽花前淚

歎逝初停檻外杯

劉遵六於廿四日化去

斷夢從渠逐飛絮閒情

眞擬燕寒灰眼中三月今垂盡循例成詩意更哀

哲維有庭前丁香詩和以二絕句

省識南中無此花移根疑未傍君家知君愛翫同心結  
油壁青驄一笑譁

憶我南游數損書書中珍重訊量珠海山已隔蛾眉諾  
羨汝新花錦不如

示彥通

花光似水吾能說病意如雲汝最諳京國相逢各惆悵  
一時流夢過江南



七夕

謝家庭院記分明誰信秋來夢更清聞雨傷春纔昨日  
倚天照海此傾城星河莫妒雙攜影潭水能深一往情  
知有遠游文履在預修璫札報宵征

近意

垂簾不受依人燕縮手慵移解語花此事原知殺風景  
國香遑問落誰家分明愁與秋俱至惆悵人歸日又斜  
英氣未消豪興減故應長負鬢邊鴉

得書有作

箇儂銜怨吳江去一月三書寄我開祇有寒暄無雜語

冬月月言卷二  
三  
欲憑閒淡寫深哀梅村不盡聽琴感百穀終辜碎玉才  
我亦中年心木石詩題新署反風懷

新世界屋頂花園同哲維夜坐

不爲釵光與鬢香卻從火宅覓清涼憑欄各有傷高意  
縮手寧忘救世方漸老春心宜建茗急搜佳興付胡牀  
向來笙吹憧憧地祇許吾儕覺夜長

微醉

中酒心情不似前相驅萬態入中年漸辭泥飲耽微醉  
爲厭羣囂愛獨眠此境自知從客笑與人無競覺天全  
近來亦復憎文字迴念紅裙却黯然

積感

積感無由託流光不復回已迷還自悟可喜亦殊哀何  
事能娛老無人更愛才平生矜獨斷此意遂難裁

病中友人贈菊不能賞也

漸破沈迷早息機慰情元不藉芳菲虛花屢試終無染  
大藥難成儻未歸已信霜枝如我瘦料應秋夢與心違  
離東無地安排汝眞賞平生事事非

病起東哲維

病起霜威乍折棉了無幽事遣中年思量半臂秋將晚  
想像雙鬟意更妍剩有溪山宜性分欲憑花竹養風煙

夜闌迴念成枯坐知汝城南正墜鞭

偶成

辭官猶自占文移  
絡首雖除尙受譏  
閱世傷心寧過此  
收身無計且隨宜  
夢中柔艣西湖水  
閒裏清歌北宋詞  
堯桀是非原一閨  
不須着眼看殘碁

二月二十二日雪後院廨樓望

已下己未

三分春事二分殘  
晚雪猶能助淺寒  
點筆錯疑雞穎凍  
攬衣真覺鼠裘單  
盈庭國論終何補  
堆案官書亘耐看  
樓外高城更遮眼  
亂山無數在江南

湯山



鬢絲長日冒花枝來及芳春駘蕩時馳道車行如過翼  
暄波膚滑勝凝脂了無餘蘊鏡雙照暫遣相干風一池  
卻笑漢皇金餅賤一生簾外祇潛窺

少年

少年忙過不能狂中歲逢春益自傷強學歡娛終鬱鬱  
卽論惑溺亦堂堂能言故事思通德願老柔鄉薄武皇  
此祕自珍偏不試更無人處有淒涼

初月

無計教秋住尋春覓別蹊已霜冰有訊初月霧先迷酒  
渴添新病詩窮換舊題填詞與畫馬隨處有泥犁

自西山旅舍遍游諸寺因至祕魔崖

纔倚樓欄看遠晴旋呼簾轎試閒行精藍高下隨山勢  
斷磳深幽見客情不詣寺僧眞避俗懶題崖字爲逃名  
忙中靜境憑誰會微笑華髮早目成

香山見心齋池上

流水翛然有令姿道人憐汝不緣癡料量不借嫌文履  
提挈軍持屏酒卮暝坐略能忘世味星前眞恐說秋期  
未來緣法誰能料隨分幽棲又一時

秋郊二絕句

秋郊明澹稱吟身小檻疏簾亦自春洲渚橫陳山自獻

未應偏妒倚樓人

本來邱壑最相關誰遣千忙換一閒願取所能還造化  
日攜紅袖看青山

病中 已下庚申

最難一病破千忙乘間殘書又據牀脾土偶衰疏晚食  
頭風新愈怯宵涼客來懶記門前刺醫退旋抄肘後方  
平日耐貧今耐病一生所得亦尋常

崇效寺牡丹盛開有以遊賞招者病不能赴也

城南蕭寺迥離塵每歲芳時便引人朋輩討春循慣例  
老夫高枕有微呻厭看置酒車稠疊誰信飛花臂屈伸

病榻安心無別法不驚凡豔強棲神

病起自遣因懷哲維泰安

病起春歸一惘然日長人瘦又今年屏除酒盞疎朋飲  
分付花枝照獨眠偃卧已過無量劫齋心真似在家禪  
卻憐岱頂黃夫子細馬紅妝爾許妍

初夏同家人游玉泉山

向晚郊行試好懷綠陰天氣舊池臺泉流冷暖吾知味  
鈴語郎當世可哀病客尙攜春襖服細君能辨隱居釵  
中年莫更誇腰腳顏鬢辭人久不回

張氏堂姊五十生日



諸姊同堂四十人北來何幸獨相存垂髫見汝知初嫁  
轉眼生兒又抱孫世事催人風轉燭京華行樂酒盈尊  
中原失鹿兵還動不及君家笑語溫

六月十七夕東江米巷夜坐

夕月至沈爝火然不知人境此何年中宵露坐非娛夜  
世事舟流莫問天輦下遂爲羣盜據朝端方頌獨夫賢  
吳鉤不共楹書盡含笑相看在枕邊

樓望

樹頭雲氣沒殘陽牆外街燈黯不光野殫了知民力盡  
樓高眞遣客心傷鄭蛇罷鬪兵還動堯鶴驚寒語更長

輪與柔奴早聞道此心安處是吾鄉

大雪感題

玉龍鱗甲不能完。逆作神州昨夜寒。坐使山川俱縞素。  
誰知塗炭到衣冠。收身何用憂天下。縮手長教在袖間。  
猶有少年輕世意。不裘不帽近風欄。

歲暮讀後漢書感賦

燈火青熒歲向闌。一編相對屋廬寬。倚樓誰惜人將老。  
觀弈從知局又殘。複壁藏身聊自詭。望門投止未遑安。  
漢家鉤黨非無意。至竟清流遜宦官。

庚申除夕

案頭鐘動報三更樓外風來雜市聲永憶江湖成默坐  
漸辭冰雪換春晴前塵破甑誰能顧世局彈碁意未平  
來歲祖龍如應識未妨摩眼待窗明

樓前老榆一株蜥蜴巢焉感而作此

已下辛酉

枯榆老不死屹立當樓中疏枝不蔽陰質朽心已空其  
間最高枝蜥蜴之所宮積陰遂孕此時遠毒亦叢君象  
已無徵知汝非神龍跂脈善緣壁操術亦已工以榆作  
城社政與狐鼠同榆衰日以槁葉落不待風蜥蜴實作  
崇人怨神亦恫嗟汝豈獅象撲汝猶蟻蠊或言宜搗巢  
或策出火攻或惜青青枝共盡蜎蜎蟲羣謀久論難醜

類姑從容喬柯寧可憑虞臘知不終

感事三首

仁者原無敵人謀久不臧奸回假名器寇盜遂披猖有  
意誅爰盜無人念霍光一杯今已覆休爲弈碁忙  
勝代餘梟獍乘時號縉紳帝秦完相業復楚託耆臣反  
噬工操術高居巧致身夏姬今再世合諡不祥人

國亂老兵相讀書焉用多彎弓曾學射入室遂操戈北  
徼淪驕虜南疆長尉佗中書且安坐不奈寇深何

陳石遺先生自福州寄所著書賦謝

複壁粗全亂世身著書遙愧在山人十年許國天方醉



一老相哀道未貧自詭姓名疑適越漸忘歲月似逃秦  
本州大好湖西路何日相從墊角巾

答哲維西山見懷

記曾犯雪叩松門歸飲山椒及未昏事往僅留題壁字  
詩來猶念刻舟痕去年正月大雪登秘魔崖題名來詩及之蟄居無地容雙  
展野飯何時共一尊萬劫不磨湖墅約待君蘭檠載桃  
根

樓居用前韻

煙柳斜陽已在門起看八表正同昏商量夜飲心先醉  
檢點春衾夢有痕多難漸憐文字累追逋翻遣姓名尊

天公知我身將隱先與樓居試道根

逋居甚貧瑟君以千金爲餽報以小詩

萬金懸購吾殊健四壁全空客笑頑何幸故人無俗見  
強分清俸慰春寒君爲北海孫賓石我愧遼東管幼安  
多少貴游勤障簾到頭寧得一錢看

樓陰

長日樓陰對翠微故山雖好未容歸情知驗鬢無留影  
稍喜量腰長舊園筍吹翻風喧午枕酒痕和淚上春衣  
循環歌哭人間事堯桀何曾有是非

所居桃花盛開

胡牧南侵颺戰塵腐儒隨分養閒身眼前寒食供微睡  
愁裏桃花占淺春傷亂將成夢華錄深居眞擬避秦人  
兔葵燕麥今何世不待空枝便愴神

大雨有述

逋人經歲未寧家還以高情管物華已覺濕雲生硯腹  
錯疑飛瀑落簷牙亂蛙分部終爭長乳燕高居且漫誇  
流潦在途緹騎苦雨窗慚對膽瓶花

初雪

初雪樓臺晚更妍幽居心迹漸安便觀書自信眼如月  
仰屋惟知頭戴天小具杯盤了寒夜又驚笳吹入新年

是日新  
曆元旦  
通人別有閒懷抱  
早辦微吟到枕邊

家書至知成兒上學

漸疎梨栗近之無類我當年就學初檻鶴祇今遲羽化  
食牛期汝似於菟承家不在腰間印醫俗須憑腹裏書  
我自覆巢身不死未須辛苦問諸雛

東坡在東武除夕賦粲字韻詩年三十九辛酉除  
夕余亦三十有九遂和其韻

勞生三十九亡命期有半圍城羈玉貌四顧雜誇歎平  
生經世意去日不堪翫難容甚瓠落自審實樗散明朝  
忽四十老醜漸相伴通居誰守歲癡坐寧待旦淒然通



德髻邈矣孟光案冤親皆假設方寸肯淩亂窮陰類餘  
燼春事始朝盥殷勤待花發不計歸緩緩風波暫相試  
金石期可貫但當葆孤潔何暇立羣儒同人多謀去  
鉤黨之籍者此  
身縱藏壁此口可吞炭太平果無冀家食等賓館當前  
冰雪凝時至風水渙坡詩試賡和滂母應笑粲

元日 巳下壬戌

眼中臘雪變春泥門外銅街動馬蹄逋客眠餐有禪理  
小樓燈火類巖棲勢交漸盡誰投刺生事將窮祇斷齋  
剩有酒杯無世態伴人微醉覓新題

上元二絕句

嚴城昨夜多佳月京國頻年鬱陣雲不信金吾輸醉尉  
夜行偏有故將軍

極知花市燈如晝誰念樓居客似僧去國情懷疑中酒  
亦逢春至且瞢騰

春陰

微霰不成雪小桃初着花春陰在窗網世味入甌茶避  
地將焉往安心卽是家晚來還縱目閒坐數棲鴉  
斗室淹吾駕盤飧負此才小詩聊破睡朔吹亦騰哀漸  
與幽居熟翻愁客子來入山勤作計晴雨任安排

陳徵宇見過卻寄

城東有槐樓欲往不可尋胸中故人面宛在樓之陰樓陰不能春知子憂方深省錄到逋亡快語披煩襟家居付纖兒雲擾遂至今天公厭作俑蟄處疑見箴病枕君

有詩嫉惡神所欽昌期尙騰擲病起還呻吟

君庚申春日病中詩

有呻吟聲裏過昌期句

吾儕黨元祐當路讐東林刊碑更點將醜

態橫相侵犯我久不校世已憎鴟音收君萬里氣判作三年瘡

逋居在春城襍穢所不至非囚亦非隱萬事付朝睡當關有詞卒環巷列緹騎羣愚動相駭子來獨無甚盈廷昔論政部黨君作幟鬚張拳透爪出語衆辟易茲來茗

話耳猶挾傷時淚高言誰見聽許我爲氣類嗟余三年  
淹譬彼干日醉身窮顏益腴外物不能累猶存口中舌  
未罄囊底智吾道儻不孤與子終把臂

王莪孫爲太夫人七十生日徵余作詩得六絕句  
卽似莪孫

朝士紛紛黨太牢教孫用犬彼徒勞何人得似王持後  
奉母閒居意最高

莪孫一字持後

大好山河付訓狐夜飛食母豈吾徒坊時勸孝憑尊酒  
還有梟羹餉客無

子遣子亦東林將老我甘爲元祐人但祝兩家慈母健



不須乞取自由身

余方避  
難處

親朋交絕妻孥笑流落東坡世已忘頭白周嫠知愛國  
時危還念杜黃裳

雜報微言託啟明筆端橫掃萬公卿當年晝荻知無負  
須爲兒曹講孝經

不工新體不趨時粗解文章四海知俗眼自驚君自喜  
娛親徵得黨人詩

三月二十七日雨晴

過雨林花漸漸稀綠陰無語待春歸晝久計日醫寒餓  
帶孔隨時驗瘦肥枯坐但知蜩翼好獨謠翻覺雁鳴非

高樓不與兵塵接且傍晴闌試夾衣

題林浚南詩冊兼答見懷

選句謀篇更騁才少年塗抹也曾來祇今避世身將隱  
卻累清詩誤見哀

送金鞏伯赴日本畫會

朝士蒼黃正避兵獨攜笈篋卷單行米家虹月一船載  
徐市山川五日程仙侶同舟陳道復師會同行畫禪隨筆董

華亭

君有縮  
臨董冊

求書日本多干祿應訝東游少宦情

和徵宇上海樓居雨後見懷時苦熱望雨

小樓隔海鬱相望念子栖栖久道傍毀我鴟鵂翻自及

避人熠燿又宵行風來坐待池波定旱甚難期夕照涼

京國炎蒸憑雨洗莫迴淞水浣名腸

時徐世昌去位  
黎元洪復職

隋五女志題詞爲張勺圃作志各二詩

初花成夢玉爲煙生死承恩十九年諛墓賢藩亦儒雅

旋持湘管勒燕然

董美人  
墓之明年  
蜀王彥志  
討東突厥

寶兒空自太憨生貞石無緣紀姓名異代椒房同玉折

百年琬琰兩雙成

唐常袞有贈婕妤好董美人志美人生年十八

千騎東方在上頭兒家夫婿擅風流百年同穴偏先逝

綸狄依然秉大周

姬夫人

身後檀槐更國火祇今陵谷變幽宮若憑雙石論書法

合遣夫君作附庸

夫人沒後四年隋受周禪元公志附後

江南生小識金焦遠嫁當年不自聊水到秦川莫嗚咽

隋堤無復舊時潮

陶夫人人丹陽人夫

成佛生天兩不知卻煩文字頌遺嫠薰修或有名心在

留得玄房絕妙辭

夫人素持白業

此是蕭梁舊女師迴瞻牛闕滯歸期邯鄲一枕游仙夢

已過開皇最盛時

張夫人夫人大業十年卒於邯鄲官舍

晚從花縣聽鳴琴十地精研見素心夜壑已非元石在

筆錐終比畫沙深

志書最峻利

洛陽嬌女最傾城不藉兒螯便得名過了標梅隕穠李

夜臺空軫可憐生

李富娘 富娘洛陽人  
大將軍慰安第三女

冥媾荒唐幻雨雲  
鬼車聲裏想情文  
墓門鴉與山頭石

何限人間怨女墳

志中記  
冥婚事

七月二十一日偶成

高館吹簫又報秋  
眼中三見火西流  
年光急矢知難挽  
國事沈疴遂不瘳  
一室哀吟惟倚柱  
九州昏墊倦登樓  
安危久不關吾輩  
行飯攤書得自由

董小宛病榻小影爲金潛庵作

豔說章皇董鄂妃  
同光詩客漫懷疑  
冲人何用求中婦  
欲起巢民一問之



孔雀庵邊白練裙  
定山堂裏善持君  
薰修翟弗皆黃土  
不及生綃寫病痕

一閒

夾道槐枝小弄黃  
昨宵樓瓦見初霜  
秋空可語惟孤月  
客夜憑誰共急觴  
撫髀數來盤馬地  
支頤長對築毬場  
一閒何止全微命  
更把癡肥換瘦狂

讀東坡山谷集各題一詩

坡翁初不入時宜  
捫腹惟應語侍兒  
物外偶然尋笠屐  
野人村犬便驚疑

涪皤晚謫宜州去  
合眼難忘鄉社春  
卻笑諸賢偏夢赦

自書滂傳與時人

山谷嘗背書范滂傳不誤一字

### 九日天津中街茶肆

佳辰有盡意難窮失笑三年陷賊中

自庚申六月迄壬戌八月始獲微服

出都冷暖自知聊茗飲冤親無擇付秋風未隨物化仍憂患待與人言畏異同眼底一塵心萬里獨能枯坐對冥鴻

### 海行抵吳淞口

舵樓初日見微明一髮淞流覺有情老懶厭爲黃鵠舉  
歸休行與白鷗盟風波知我能高枕書策從今近短檠  
獬犬莫疑蘭佩在世間隨處有魚羹

福州西湖公園梅花盛開

不見鄉梅動廿年曰歸何幸及春前  
背城湖舍無人問  
照水花光作意妍  
逋客獨來傷老醜  
故山雖好莫迴旋  
寒香都在兵塵裏  
茗坐聞笳一惘然

西郊展先大夫墓

馬鬣才封便遠游及歸曾未長松楸  
廿年流轉成何事  
一往悽惶爲此邱  
地下應知孤露苦  
人間終有陸沈憂  
還山誓墓皆虛語  
許國遺雛漸白頭

壬戌除夕

淞水去何急盆梅遲未開  
飛騰憑暮景觸撥賸寒灰  
強

作娛親計誰知卒歲哀一杯聊自慰辛苦賊中來  
杜句  
憶作嚴扃客無人問歲除逃秦有今日覆楚榜新居  
漸  
老從亡妾難捐破睡書一貧愁稅屋何止出無車





爰居閣詩卷四

長樂梁鴻志衆異

古今體詩九十八首

自上海發福州海行有詩答周梅泉海塘春望見

懷  
已下癸亥

夢回寒雨在船廊不見淞流辨電光  
吾道難行且浮海  
此身雖健怯還鄉  
稽天大浸今何世  
被髮纓冠或未狂  
慚愧晨門疑孔氏  
一生功狀是棲皇

移居古拔路

平生得謗高於屋  
辛苦移家半是書  
自起登樓營八表

不知泊宅在三吳貧居慣見塵生甌世事從渠鬼畫符

聞北京遂黎元  
洪劫其印信

端禮門前黨碑在逃名無用著潛夫

六月十六日自上海至廈門海行五絕句

舟人沈睡海波平獨倚船廊夜氣腥與我共知天下曉  
世間惟有啟明星

分明六月似涼秋吹面南風爲寫憂何事舵樓頻悵望  
有青山處是神州

莽莽閩雲接越邊沈沈南戒此山川平生微意須填海  
肯問家居二頃田

未嘗黔突況還山健席高檣數往還人世風波渾見慣

可能材與不材間

最愛東坡渡海詩能窮物變見天倪我來亦有隨船月  
已過終風苦雨時

七月一日廈門歸舟三日抵上海復得五絕句

島雨翻風乍報秋

是日立秋

又攜笭篋上歸舟孤城隔海仍

回首不是空桑是本州

舷間人語雜奴兵棄甲爭舟夜有聲眼底滄波桑所宅  
一枰何處覓虧成

行止眞非人力能又看深碧浸桅燈夜久聚裏如何度  
歸作江南粥飯僧

青青岸薺是吳淞向晚停舟一翦風戰血朱殷在鄉國  
舉頭驚見夕陽紅

自昔家風喜客吳祇今賃廡怯催租橫流何與王尼事  
歸去樓陰且著書

八月歸福州游石鼓山距前游二十載矣

廿年乞食違故山愛而不見顏我顏靈源奇絕寺門好  
合眼便夢松干盤王城已覺燕巢幕冷官真比魚上竿  
漢廷鉤黨忽見及妻兒竊笑朋交寒西山有石不聽踏  
卻走吳越儕殷頑逢人漫說具區好誰念逋客盤無餐  
經年鄉國困兵事又攘吾臂纓吾冠區區救關士所笑

掉頭且去尋煙巒平生自信在孤往不命儔侶兼攜鬟  
一黥導游一笈後獨挈秋影來款關鄉僧詫我語音改  
錯疑客是城中官那知此士有殊嗜能師孟博輕屠蟠  
量松都視舊圍長問僧半與新塔殘山中掌故尙桑海  
何論觀弈悲長安嗟余少賤習鄙事偶弄文史稱儒酸  
汲泉種菜蔑不可合共老衲分蒲團臨流容鬢奪前稚  
試險腰腳知今孱佛言人命在呼吸不待招隱當知還  
獨憐蓋頂少茅把僧房信宿仍捲單寫詩留壁作息壤  
不用拂袖籠紗看

十二月十四日入杭州明日度遼不及問孤山梅



訊

負手看天歲又闌  
轉因行役覺心安  
胸中孤憤知難已  
燈下陰符久不看  
江水能明沼吳意  
河冰誰念度遼寒  
春來更向杭州去  
多恐湖梅漸漸殘

十二月十六日自上海遵鐵路赴瀋陽紀行十絕  
句

畏途自衛我何曾  
時復高歌就驛燈  
多謝金焦舊時月  
夜寒相送到金陵

峩峩城壘古昇州  
誰解投鞭此斷流  
我有量江心眼在  
不須長線更扁舟

約略環滁得數峯車窗瞥見若爲容愁人不飲心先醉  
慙愧榮榮六一翁

行盡淮徐雪後程居人憂盜復憂兵來時記得江南岸  
吳語中含樂歲聲

泰岱寒雲掠面過回看鄒嶧去如梭此邦兵子偏談政  
不信前賢有孟軻

吳佩孚孫傳芳皆魯人

嚴扃初脫此淹留重上津橋歲一周莫爲鵲啼哀世事  
河冰如雪白人頭

津橋借用洛陽天津橋也

暫遣經牀對藥鑪衆生疾苦待君蘇一樓談笑規天下

此老神完並世無

天津省段合肥疾

王氣消沈霸氣多  
醫巫閭接大凌河  
健兒翻羨書生勇  
準備衝寒看鬥蛇

北來稍借賈生籌  
歸去猶新季子裘  
阜帽居遼吾所愧  
少須終作入山謀

囊智難窮舌尚存  
眼中何處着桓溫  
中原橫過無人覺  
自寫新詩記夢痕

除夕和東坡岐州歲暮三詩

歲時重餽問投報  
期互佐衰俗工媚  
人舉體輒自貨貧  
家亦何有壁立天  
宇大瓊寒難遺客  
瓶罄吾與卧買花  
算豪舉歲晚光照  
座對之千百轉頗  
類蟻旋磨不敢貽

貴游政恐高軒過此意付孤吟未用旁人和

饒歲

人生本乘化世速吾意遲當前不惜日欲去何用追此  
歲忽已闌此生亦有涯送汝默無言不問歸何時窮冬  
賸今日飯熟雞豚肥取酒與婦飲寧作徂年悲花開且  
共賞觴至吾不辭莫倚腰腳頑驗鬢知吾衰

別歲

我從東北來車徑如修蛇橫穿江  
河淮意行誰敢遮到家迫歲除奈此短夜何勞人且枯坐旁舍紛笑譁晨鐘  
幸未動臘鼓猶堪搗作詩珍此宵醉墨從歌斜前塵已  
騰擲今夕休蹉跎澄清待明歲慰母兒非誇

守歲

元旦雨中對客終日

巳下甲子

爐火猶含昨歲溫  
茶煙先裊早春痕  
是日立春  
疎疎簾雨經元日  
澹澹瓶花照酒樽  
逋客自安懸磬室  
高車稍集設羅門  
人間喧寂吾何擇  
來日陰晴懶更論

正月初九晨渡江發浦口

亂流孤艇換春聲  
又向津亭數去程  
臘雪作泥吳地暖  
斷笳催曉蔣山晴  
人間萬事餘孤注  
江上諸峯笑遠行  
聞說山田賤堪買  
藝茶吾欲事躬耕  
杭人言買山種茶之利

二月六日浴遼陽湯岡子溫泉同瑟君作

平生心折定林叟  
垢面高談無世情  
傷亂久緘論政口  
避囂聊豁看山晴  
一泓自沸終何益  
二客無塵洗更輕



待泮春冰未莢柳應憐吾輩落邊城

藩陽雨後

塞垣二月初聞雨便作江南歲暮看  
纔打破窗生晚聽  
又和朔吹入邊寒  
崇桃炫晝江程遠  
南中書至龍華桃始花矣  
流潦妨人客路難  
儘擬傷春終不似  
夜燈留照慰更闌

三月十五日獨游龍華登報恩塔

塔鈴禪鼓報殘陽  
流水遊龍作道場  
循例討春三月半  
一貧爲客廿年強  
流塵到眼花含霧  
世故驅人鬢有霜  
別後閒情將不去  
女兒河畔憶吳娘  
時余將再赴遼東

車次徐州閱柳河東集陳後山詩因成二絕

豐沛風雲氣早衰  
眼中豎子信非才  
柳州寧黨任文者  
青史他年莫見哀

彭城能手後山詩  
想見南郊忍凍時  
異代儒酸偶投筆  
便營高館列歌姬

府夜

世緣憧擾日悠悠  
賓客文書夜未休  
還是去年風味好  
一簾淞雨聽吳謳

性分山來不耐官  
身勞誰信此心閒  
題窗卻記臨川叟  
雪竹霜筠念蔣山

三月三日宴客江亭卽席有作

巳下乙丑

逋客生還今再來江亭仍倚鳳城隈春寒尙勁蘆芽短  
夕照無言煙柳衰四海笑余霜滿鬢衆賓休負酒盈杯  
水邊蘭芍吾無取亭角尋詩記此回

西窗

西窗病士最無能閱報攤書兩不勝默卧厭聞連夜雨  
閒行還藉一枝簾門前客過頻投刺心上秋來自掩燈  
却憶逋居有佳境健於黃犢靜於僧

府樓夜坐述意

廣陌張燈我未歸文書堆眼與心違了知盡瘁終無補  
僅爲應官恐亦非高論久資流俗笑獨謠方幸吏人稀

續虞山詩集卷四  
一六  
蕭然疲役吾何得但長霜毛減帶圍

十月十二日出都夜宿豐臺旅次

出晝吾何望平吳迹已陳橫行三輔盜逆旅百年身野  
柝寒逾厲宵笳咽更眞倚弓聊自賞休作解弢人  
已見大弨弛眞成纍卵危辭官差自慶去國定何之往  
事頭風檄當前血色旗辨姦吾有論不用挾韓錐

移家天津僦小樓兩楹以居適讀寇萊公傳輒題

小詩

蠟淚歌綾併作堆誰知無地起樓臺胸中何限瀟湘策  
只辨憑闌看劫灰

歲暮旅居遼東二十絕句

沼吳霸越忍重論  
早料凡亡楚未存  
四海淪胥身瓠落  
一樓邊徼看中原

豚犬兒郎不讀書  
等閒撞壞好家居  
推枰早袖旁觀手  
不問殘棋劫有無

時事於今益可知  
又從歇後計安危  
令公喜怒都無準  
請看吳閭短簿祠

威弧聞說不能神  
大地山河盡戰塵  
催汜相攻袁呂鬪  
未知誰是祖劉人

玉帳牙旗隘九州  
客來長揖復何求  
道林久不矜神駿



諸石居然似海鷗

金兼鶴背都難覓飯與魚羹或未無  
獬犬城中莫輕吠  
此身何異一枯株

臘雪街頭半作泥意行渾不辨東西  
糞除阡陌身猶健  
誰識河東王伯齊

客舍眞成一事無又拋書策齒撝蒲  
從今擬縮盤龍手  
靜看人間雉變盧

曉枕驚寒夢不成一心禪定百無營  
無人共領閒居味  
卧聽開門掃地聲

分明天地一蘧廬喜怒何須徇衆狙  
差信比來工用短

但營佳睡嬾繡書

今歲長安欠熟眠未妨遲起度殘年  
幼安自責吾滋懶  
阜帽看人意已賢

客座何來南郡生  
侈談徵聘亦人情  
衆中振手非吾意  
多謝相期在上京

客有約京師晤面者  
引申屠蟠語謝之

分襟危語君應記  
懸榻高齋我怕經  
重過盧龍知腹痛  
鼓輦聲裏見英靈

哀姜超六余曾  
下榻超六寓齋

萬馬雲屯榆塞東  
故人兵解動悲風  
是非死後誰能管

憑仗鄉儻賽鬼雄

哀林  
宗孟

騎虎操蛇本至危  
黨牛怨李亦枝辭  
長安道上桓元死

何與人間殷簡之

哀徐又錚

我友新從江介來避兵傷亂更相哀毀家亡命吾真慣

記取平生第二回

喜臨楊瑟君

削迹行吟閱歲闌表哀孫綽敢求安聞絲但下劉融涕

天際飛雲未忍看

轉眼江南換好春辛夷如雪雨如塵扁舟少待吳波綠

便作山塘打槳人

香消夢斷惟支枕天遠書沈此倚欄最是深情劍南叟

名花零落雨中看

放翁句

世緣何似道根深要試平生鐵石心卻笑香山未聞道

不忘情處動哀吟

病起

已下丙寅

病起當窗雨一繩  
思如春繭意如冰  
餘寒未用披風帽  
殘夜從渠炫電燈  
行卷數詩存少作  
危欄一角有孤憑  
免葵燕麥今何世  
休爲看桃感廢興

三月二十二日海行抵大連有述

白浪搖人風障船  
海行違意又今年  
量愁視此無涯水  
箋恨難通已醉天  
早歲談兵今老矣  
靜中思夢一淒然  
登樓莫歎非吾土  
好辦閒房自在眠

三月二十四夜宿湯崗子對翠閣浴溫泉

尋幽如尋醫避事勝避寇意中對翠閣舉念輒相就林  
燈導前路夜色燦疑晝登樓復何事去履脫衫袖此間  
我三至每到顏愈皺臨水不敢窺入浴如恐後吾癡非  
昔狂體亦失前瘦惟餘一片心無淨亦無垢暄波爾何  
爲潸沸出寒螯猶存淨穢觀力與埃塹鬪縱教除疥癬  
亦或愈癭瘤已失山泉清轉於塵物厚何當便冷卻一  
泓閱來宙渟容童子瓦駛亦泰山溜吾言合名理世俗  
從嘲詆斷斷較冷暖彼哉一醉富

三月二十五日千山道中同葉譽虎楊瑟君曾雲

沛



浴後春衣覺更輕卻呼儔侶試山行過人邱壑從吾好  
到處松泉與客盟山賊遙知愧靈運遼民應未識逢萌  
暮鐘漸近巖間寺乞取禪窗看晚晴

津居雜述八首

閒人有忙事侵曉尙篝燈書似兒時味心如定後僧亦  
知文字障終勝是非乘此意憑誰語風蟬未識冰  
稅屋數楹耳翻成近市居鄰家多列戟達旦走高車爭  
奪憑儉父浮休認故吾宵來有博進新買半牀書

美睡逾亭午人呼送報來開元成昨夢除授久非才斷  
爛誰能讀枝游致可哀公卿曾品覈舊著付飛灰

卷四

七

向晚驅車去非關報謁忙地攤諧畫價樓肆點茶湯盤  
馬從爭采拋球看上場邦人不好事誰問水西莊

求查氏水

西莊不得

早識浮生理還爲炳燭游歌聲新白紵人影小紅樓選  
夢翻無夢言愁始欲愁海漚休更譜霜鬢略知秋

趙秋谷海

漚小譜作於天津

好客真成癖柴門不遣關車徒時礙路鰕菜亦登盤貧  
窶吾家舊冤親平等看移牀今亦嬾稍覺世途寬  
昨歲青衿闕羣持白梃來瓶盆孟敏甌圖史暴秦灰身  
外非吾物天方赦不才腐儒留命在重爲後生哀

世事夷堅志幽居卻埽篇深杯同服散高枕卽遊仙引  
火然花露近以香水然燈馥郁特盛呼燈試藥煙兩忘哀與樂此祕  
不輕傳

楊瑟君見寄三詩次韻賦答

憶吾居京師築室先種柳青青取悅目那復論好醜修  
門不更入蠻腰亦何有搖落今江潭攀條念吾友

積書初不多亡書亦強半縹緲爾何罪爲我罹喪亂庚申

乙丑政變亡書頗多燒薪與束閣棄置同一歎何當手一編巖居

謝塵絆寄聲招我友潛研期共貫

今春客遼左記共千山游時歆幼安帽不飯寧戚牛干

卷之四

十一

山以石勝石罅松更稠道旁萬株雪足爲梨雲留吾儕  
久城市那識山林幽及今置巖壑去日皆纍囚

千山松石甚奇

春夏之間

梨花彌望

### 和瑟君大連避暑之作

海曲書來說夏涼島煙厓樹共青蒼恨無臨水三間屋  
自種連雲十畝桑老我漸諳高枕樂知君猶戀故衾香  
從來處仲非全忍要試清秋夜味長

### 避暑大連寓居星浦公園別墅

平生爲物役逃暑始今年散策煙波外尋盟鷗鷺前誰  
知夜叉聚亦有淨居天真契吾方愜何須更買田

小屋三間劣名園百畝強錯疑船上岸全以水爲鄉竊  
比希夷叟相知廣利王海波真慣見留眼看生桑

曉起寒甚寫視沈硯裔李贊侯

遠慚鄴下劉公幹來作遼東管幼安已辦閒身親水石  
未妨縮手看風濶幽居易得三更夢曉起翻驚六月寒  
輸與逋翁諳畫理丹青難貌海中山

顧況字逋翁嘗求  
知鹽官海濱之新

亭監或詰之日吾  
欲貌海中山耳

星浦七夕

海角秋風與客期獨憑欄檻俯灣碕蟲聲如雨燈檠覺  
蜃氣乘潮枕簟知露坐爲誰添半臂山晴猶自寫長眉



世間何限閒釵釧未信星河有別離

曹潤田太夫人七十生日詩

早從人海識賢郎近輔重升拜母堂經國舊猷慈訓在  
娛親小隱歲華長久聞織屨隨方進不願登車起范滂  
慘緣自憐非少壯後屏猶記杜黃裳

題徐幼錚林宗孟爲余合作簞子

無復丹徒作布衣名場相踵見危機談兵議法俱塵土  
顧曲揮毫各是非鬼錄姓名呼不起屋梁顏色夢全違  
黃壚未共山河邈把扇招魂可得歸

爲章曼仙題其先德銅官感舊圖

世人傾倒曾湘鄉異代同揆唐汾陽手提鄉軍定國難  
銅官小挫兵家常誰識窮愁章太守奪取勳賢魚鼈口  
扁舟老去重看山袖卻曾援天下手俞曲園謂援湘鄉即手援天下曼  
仙交我近廿年父書能讀宜郎潛貴人自昔輕恩怨題  
句還君一惘然

柳

搖落江潭失舊青雨中重見可憐生傷春無復攀條意  
留與他人管送迎

爲絮爲萍總自由更無春物只殘秋憐渠嘗盡飄零味  
始信長堤有別愁

感事

梁殿螢飛不再春  
肩吾宮體亦成塵  
秋衾日夕思銅輦  
何限臺城應教人

眼中

眼中俗吏最詭驢  
券文章磨梭詩恰似朱門溫卷客  
對人偏誦北山移

京師雪後大雨城南飲席

晴雪光陰風怒號  
滿城笳吹與相高  
看人着意踞爐火  
與我作緣惟縕袍  
世亂管絃多掩抑  
民貧坊曲亦蕭騷  
少年心事今都盡  
對酒聞歌不更豪

大坂

萬屐千車競夜行  
旅樓人意卻淒清  
秦風強更唐風儉  
微覺笙歌有鄭聲

馬關阻風二絕句

相公曾此議金繒  
扶老憂勤謗尙騰  
我亦頻年畏多口  
歲寒心事對孤燈

海立風翻不可行  
旅窗聞雨夜三更  
平生行止關天意  
未用區區較一程

丁文槎五十生日方藥雨爲作畫丁屬題詩

五十之年公始滿  
卻憐吾鬢亦滄浪  
兵塵何處佳山水

只向嚴城覓睡方

憶昔同刊端禮碑購金懸象彼何爲吾儕貴有千秋在  
莫與閒人論是非

自題小影

霜鬢難玄心已灰論兵忍事有餘哀閒身誰遣關憂樂  
三十年前是秀才

覆車誰解詢長策懷刺何如守破書莫說酸儒有寒相  
萬金曾記購頭顱

除夕

騰騰歲事隨灰燼擾擾兵塵接寤歌已見疲氓病陳許



仍聞新論薄丘軻

聞南中廢孔子祀

耽書漸似冬烘老更事何

殊春夢婆功狀今宵憑自勘一年心迹在槃盂

[illegible]

五

爰居閣詩卷五

長樂梁鴻志衆異

古今體詩八十七首

元日漫題

已下丁卯

歲朝自領高眠味卻似餘醒喚不醒  
亂世春聲橫吹賦  
衆生覺岸洗心經  
了知寒意殊堯雪  
誰信飢儒是歲星  
茗椀爐香送元日  
故應此客近沈冥

吳彥復之歿今十餘年矣其夫人七十生日章行  
嚴徵詩章吳壻也書二絕句

少年談藝北山樓  
題句俄看二十秋  
世事滄桑吾亦老

卻從菱緯話宗周

故人曙後一星明  
擇壻持家勇且英  
誰與阿婆觴賀客  
將門才女偶書生

二月三日湯山

坐覺王城塵污人  
卻尋風浴散芳辰  
暄波未敵剛腸冷  
烟柳難回客鬢春  
漸減歡悰惟嗜睡  
了無能事轉安貧  
池亭夢影憑誰錄  
不待哀時亦愴神

春盡日飲席被酒

絮飛春盡又今年  
千種風光不似前  
酒入愁腸微駭駭  
鬢如衰草失芊緜  
宵來蠟淚疑將別  
曉後鐘聲劇可憐

明日試尋春去路更無花片有苔錢

李釋戡四十生日徵詩

卻記將軍攬揆年父師初以一經傳老吾無用五年長

顧曲談詩覺汝賢

君生光緒戊子  
余以是年就塾

眼中四十飛騰者何限兜鍪屬老兵誰更投戈勤講藝  
歌壺裘帶類書生

猿臂羊頭兩不妨中年絲竹亦堂堂並時諸將郎當甚  
莫把軍符溷李郎

藤館賓筵櫻筍時主人疑是傳修期毛錐大戟俱無用  
惜取當前酒一卮



寶瑞臣侍郎師六十生日詩

舊國涵元氣羣倫仰侍郎大年商柱史碩果魯靈光仙  
李蟠根遠秋蘭紉佩芳宗盟周卜正苗裔帝高陽軾轍  
通名早間平世業長不矜龍種貴爭看鳳毛翔芸館詩  
爲課花磚睡有方醉書金馬詔閒趁碧雞坊笎篋皇華  
記輶軒列宿行秋風漢皋佩春水晉祠觴得士歸京邑  
登朝侍景皇嘉謨頻入告時政共平章鹽鐵資高論章  
縫遍上庠管商原小試鄒魯已成鄉變法張王室維新  
問大荒書來徐福島使下鄭和洋朝士鮮卑語行人狎  
猶裝憲章懸象魏政論出巾箱流別憑甄錄機樞貴弛

張老謀殊不用要路故相妨還直文林館言辭政事堂

宣統三年夏新內閣成親貴用事侍郎遂專貳學部五侯俱寵幸七貴盡飛揚東

閣窺難再西清夢亦涼孤臣自龍象國事遂蜩螗帝德

原無忝人謀久不臧齊民爭問鼎冲主但垂裳焚惑躋

樞斗烽烟動武昌共和異周召揖讓擬虞唐一老憂宗

祏羣雄各井疆彼哉移國盜何限輟耕王身退心如水

時危鬢有霜詩篇題甲子史筆紀滄桑自蠟看山屐頻

攜壓酒囊聲名意園敵風趣偶齋狂憶昔光宣際初陪

杖履旁手敲髡烏句心燕后山香事業虛傳鉢文章愧

面牆此翁仍矍鑠前事足思量海內尊者宿門生漸老

蒼夜來窺象緯南極正光芒

意園盛伯希祭酒偶齋寶竹坡侍郎也

夏秋之間京居遣懷得十絕句

四十頭顱鬢早霜了知丹鼎事荒唐  
通明自愛松風好不管齊梁禪讓忙

中原何日一車書作俑誰教萬骨枯  
我與師川有同憤直將粗婢喚昌奴

策蹇山行自一奇漫言驢汝好爲之  
劉祥去後無高論令僕人才抑更卑

客談往往關除目賓退時時驗道心  
我似王晞籌爛熟不將塵事換高吟

世間榮辱蔓纏身誰向橫流更問津解道受恩如負債

東坡原是佛中人

受恩如負債  
東坡句也

旁人休問客何能但解繙書伴夜燈誰似獐郎貪政地  
翻言投老欲依僧

炎景流金火作城都人憂暑甚憂兵老夫別有清涼散  
莫向人間熱處行

里舍屠沽日擊鮮閉門種菊作秋妍無人解問天隨子  
忍飢誦經今幾年

雨中花樹霧中看孤館秋來特地寒素襪明瑤渺何許  
傍人一霎是闌干

勘破浮名却愛身最繁華地作閒人  
陸劍南句放翁老去清狂甚細字吳箋自寫春

寄題卓君庸自青榭

慵人惜兩腳閉戶百事了眼中自青榭想像意逾好卓  
生期共游結念已塵表三年淹一諾正坐世緣擾軒窗  
定開豁竹樹亦深窅四山各青聳一水將綠繞方春巖  
雨寒及秋湖月皎還應結詩夢霧夕共霜曉卓生真可  
人愛山如愛寶娛親得佳構避世亦堪老城居非久計  
決去胡不早終當此三宿摹取山居稿

陳弢庵師八十生日又爲重宴瓊林之歲詩以賀



之

獨抱丹心見靜修十朝人物一螺洲科名報國空前輩  
文學尋源納衆流拄杖數來行在所上尊分醉故宮秋  
鼇峯待草師承記髫髻門生漸白頭

丁卯九日釋戡招集江亭分得杯字

積毀紛乘我未衰獨攜秋色上高臺主人刻意飲文字  
孤抱向誰傾酒杯壞壁舊題勞記省上顛霜鬢動驚猜  
江亭詩案三年事自古相輕卽見哀

甲子之冬重至都下明年上巳觴客江亭知好畢集  
皆庚申以還未覲面者咸謂余鬢髮加白是日賦詩  
題壁遂有四海笑余霜滿鬢之句周梅泉在滬聞之  
爲作一詩有鰕生亦有霜盈鬢未必能令四海知二

語詩人忠厚婉而多風蓋未知余之抒寫實事也  
今日座客自談前事且尋舊題者故詩中及之

題趙叔雍高梧軒圖

臨川閉閣炷爐煙白石虛堂自在眠  
輪汝軒前萬桐葉卧聽簷雨當參禪

平生最解秋消息愛說梧窗勝竹樓  
安得從君歌吹海

洗桐呼酒共高秋

叔雍約爲上海之遊

元日已下戊辰

晏起又元日眞慚管幼安  
磨人餘破硯催老是春盤  
選格誰能賭堂花亦倦看人  
間堪一笑何處著悲歡  
海內無寧字吾心卻太平  
眞成掩關卧不用鑿坏行過

客憑投刺題詩祝洗兵城笳與社鼓隨處驗春聲

釋戡索和元日詩

鐘動窗明夜嚮晨今年還是去年身駸駸歲序憑更始  
袞袞衣冠喜似人賭酒呼盧仍作健買書結客不言貧  
樓居漸與長安遠未信春袍有路塵

柳墅閒步同何枚生郭蟄雲高滌庵

廣場淺草雜平沙誰識當年駐翠華儘有閒人試蕃馬  
更無宮樹散棲鴉池波客面能爭皺風葉車聲共一譁  
記取尋詩亭角路小桃新蕊柳初芽

和鄭太夷聞笳

龍州軍樂記悠揚邊瑣歸來海變桑傷亂偶爲橫吹賦  
江文通有橫吹賦卜居還近築毬場堂堂塞主驚秋意了了詩

人短後裝老我雞窗但甦睡聞根奇鈍夢偏長

題匹馬出關圖

圖戊午年林畏廬爲徐幼錚作今十稔矣幼錚既歿爲丁文槎所得

雨覆雲翻怨與恩十年朝局忍重論秦庭涕淚天終鑒

朔漠功名禍有根

幼錚自蒙古歸忌者益衆

能作鬼雄應擊賊已無

詞客爲招魂

畏廬先幼錚一年逝去

山邱華屋人間世祇此丹青

是夢痕

讀書

短檠盈尺一樓孤樓角畸人夜讀書疑有孔姬通夢寐

時從倉籀接皇初燒薪東閣憑羣盜起廢鍼育待腐儒  
世法祇今憎磊落破閒吾亦注蟲魚

寄何枚生京師

君年逾壯我成童三十年來各老翁

識君始光緒戊戌

世法縱

疎交自密所遭雖異性常同倚樓看鏡身將隱聽雨焚

香子最工

吾二人論詩皆主放翁焚香聽雨之說

京國詩人爭入社酒邊

吾欲論英雄

吟娘書來輒題二絕句

澤國行吟一左徒名山偃蹇幾清娛  
春雨晚丁沽水中有淞流雙鯉魚



掌上雲英醉後粧五年拋撇百思量書來未信潘郎老  
待與從容說鬢霜

吟娘浮海北來省余沾上酬以小詩

滄波不隔北來心文履明璫遠見臨簾底窺星兩無語  
燈前解佩一沈吟歡場縮手人將老亂世尋春意轉深  
不信秋期有憑準故留雲鬢抵兼金

四月十九夜書別

海行愁水復愁風愁損朱顏祇爲儂伴汝南歸惟有夢  
不辭夜夜到吳淞

旅樓別語夜三更忍淚相看坐到明水盼蘭情待追憶

盡隨帆影上歸程

四月二十三日雨中發大沽口

海雨翻風濕柁樓  
白波高處有行舟  
曹騰去國人如醉  
偃仰看天氣已秋  
傷亂未遑哀窈窕  
寄書誰與問沈浮  
中原回睇仍兵火  
一髮青山問冀州

輓張雨亭元帥

曾聞覬國忌司城  
一瞑終須待史評  
我誦臨淮舊詩讖  
傷心日出事還生

早將蓬戶例朱門  
腹痛還來酌一尊  
快馬健兒當日事  
堂堂應有不亡存

墓上征西已近名目營四海更何成  
輶輳車裏腥風度始覺歸筇是尾聲

抱膝微吟老不材還珠垂淚意悠哉  
羣公襜褕窺東閣

只辦人間薤露哀

去歲張公以三事見徵力辭不任

### 金剛山中早起

更無村舍起炊煙只有松風答澗泉  
我似江南庾開府竄身荒谷戊辰年

山容際曉擁煙螺到枕穿幃發寤歌  
不是巖棲能早起舊時春夢已無多

### 平壤拜箕子墓懷寶沈庵師北京

危時異國拜殷仁宰樹青蒼碣轉新

環墓植松萬餘株新樹石碣當

日宗祔餘隱痛祗今苗裔亦疊臣賜秦鶉首天終醉霸  
越鴟夷意未申我已陽狂甘避世舊京禾黍念遺民

七夕病足二絕句

海滙人家一葉秋倚欄聞雨迴生愁風情筋力今俱減  
怕見星河嬾上樓

彌天秋感對荒碕正是秋風散策時獨有蹢躅行汲意  
等閒休遣美人知

寄和陳弢庵師中秋對月

夜坐羈人正寂寥起看佳月在層霄秋來因病疎游屐

亂後將身寄客寮天上何年現宮闕海壖隨日驗風潮  
吾師別有高寒感垂老難忘是此宵

病足

病足經旬廢下堂算來辜負是秋光隨身兩膝知吾贅  
隨身惟兩膝扶憊孤筇覺汝強隱几但憑書作伴閉門  
蘇東坡句真以睡爲鄉平生自分能醫國翻就寒窗錄藥方

九日不出

九日眞成晝閉門藥爐書卷共黃昏憑高何處尋京國  
獨卧從知穩夢魂霜葉危紅人盡醉晚花孤碧客無言  
西山舊是經行地知有兵塵沒屐痕



周立之郭蟄雲見和九日詩次答

辭條風葉擁閒門海水翻飛白日昏病起園居初對雪

遠來詩札各消魂

和詩以九月晦日至是日風雪

忍寒上策惟叉手省

事中年漸寡言安得杖藜從二子墜鞭坊巷認泥痕

爰居閣成以十絕句落之

樓成自署爰居閣水次先尋鷗鷺盟我亦巢居甘鳥養  
每聞鐘鼓便心驚

此邦精舍號幽奇隨地斜橋架小池自築南榮收渤海  
老夫胸次更誰知

十年一夢禁城西買宅分金感故知投老荒碕謀小築

更無人寄草堂資

淺樊荒圃罷宵局健席高檣當畫屏華屋鄰人那解此  
此身元是一長亭

蓋頭茅把卓錫地一畝儒宮數稜田猶有少年英氣在  
亂栽花竹待明年

几硯清嚴遠世紛瓶醯貼妥養心君埽除一室先天下  
合掩柴門自策勳

妻孥譏我似蟬魚家具移來半是書久擬捐書雜備保  
未妨健步當安車

避紂從來甚避秦我來卜築海之濱伯夷呂望吾師事

不學桃源洞裏人

門前車轍深如許案上陰符久不窺便擬刺船窮島去  
姓名容狀更誰知

移居絕似楊通老作記今無劉後村欲識先生棲隱處  
磯如積鐵海當門

所居臨海  
名黑石礁

余來之累求瑟君蹤跡不得所居杏花方盛開也  
已下已已

樓角春深始見花飄流憐汝亦天涯放晴免污燕支雪  
照海微騰爛縵霞老戀繁枝殊可哂靜思塵事祇長嗟  
故人兵後無消息腸斷山城急暮笳

之罘南山梨花

海壖急鼓催隳城草木盡化修羅兵樓居詩客百不省  
故遣花事移我情南山梨花誰所樹倚天照海真無數  
東風一夜雪作團十里幽香動行路俊游年少能幾時  
江南記看千吳姬青裙縞袂各有態粉頰不待施胭脂  
霜風吹鬢令人老皺面尋花殊草草劇憐北客愛濃粧  
無人解說梨花好

紅樓四絕句

往傷花落惜春痕近折花枝倒酒尊理鬢薰衣吾已嬾  
十年前事莫重論

檻前粧鏡大圓海屋後高鬟千疊山持與老夫爲供養  
等閒塵事不相關

頻將舊事諮通德不信柔鄉屬漢皇老去捐書惟嗜睡  
但教添被莫添香

雙攜復此笑牽牛涼簟輕紈乍報秋人在堯章詞句裏  
一窗簾影小紅樓

寶沈庵師以二詩見懷次海行詩韻奉答

道味敷腴老不枯高秋浮海意何如舊憂天墜言終驗  
晚愛山遊世漸疏傷亂但嘗元亮酒知機寧爲季鷹魚  
九夷自昔皆吾土未用登樓憶故居



言農圃利掩耳譏吾拙遂令盤中餐盡化腰間鐵孤生  
百無就種樹計已決畸田不盈頃微命於焉託豈惟託  
吾命亦以活穉弱政如杜陵翁長饑斲山雪習勤事培  
溉忍餓待收穫庶幾吾先人了不因人熱不因人熱先  
伯鸞高士語  
也

再至三十里堡三絕句兼示王叔魯

早歲關河任指呼要盤萬馬走千夫誰知投老依窮海  
十口生涯問木奴

亂世躬耕未算癡受塵微意畏人知東門瓜與南山豆  
翻笑前賢見事遲

老厭空花戒炫名，稍知秋實勝春榮。君公避世還哀我，

讓畔分泉約耦耕。

叔魯園  
與余鄰

曹纓蘅有移居城東詩書來索和

軟塵飛鞢禁城東，往夢模糊墮枕中。念子卜居三徑好，  
幾時攜手一尊同。但教保社廉兼讓，休問池臺壞與空。  
自竄海壖誰似我，一樓堅卧聽潮翁。

五君詠

余寄居大連忽焉二稔，偶覽班范二史，喪亂之  
際，渡遼避難者，都有五人，慨念孤踪，追懷往昔，  
輒次其行誼爲五君詠云。

逄子慶

擲楯棄亭長受學通春秋哀哉莽殺子決去不可留三  
綱亦已絕遼海差可浮戴盆市中哭新室誰敢收時平  
隱琅瑯不炫嚴瀨裘言尋王君公牆東方儉牛

王彥方

少師陳仲弓義行化鄉里道旁還劍人昔時盜牛子黃  
巾復董卓喪亂未可理遼東聊寄居遯世非倣詭公孫  
承父業強之以長史自穢商賈間誰能識其旨

國子尼

師資鄭康成交友邴根矩危時此國器避亂挈儔侶遼

民夙鄙僊賴子知好古講學棲山巖亂定還故土一官  
典屯田千家實倉庾餘智辨謗書俗吏誰敢伍

邴根矩

孤貧易傷感嶷然童齠中讀書有神悟飲酒無醉容中  
原奔爭梟阻兵走羣雄居遼久不返知者惟孔融既歸  
名益高清議稱儒宗不事五官將正以忠曹公

管幼安

因山以爲廬鑿坏以爲室越海避難耳旬月居成邑早  
帽不去頭木榻還穿膝四時親薦饋老去敢自逸不仕  
豈無義素履能貞吉華歆官自高世論有得失

哈爾濱旅述

北轅吹墮凍江濱  
冰作修途雪化塵  
入夢月涼燈有暈  
打窗風急酒生鱗  
了知去住胥爲客  
漸覺飢寒足累人  
歲晚天涯誰契分  
黑貂裘算最相親

感事

記曾杖策入軍門  
覆楚尊周見誓言  
囊智未窮先破敵  
家居自壞有羣昏  
能迴趙璧人何在  
誰遣南柯夢尙溫  
十有九人眞碌碌  
一枰得失忍重論

己巳除夕

亂來踪跡在菰蒲  
不共時人惜歲徂  
草草杯盤存漢臘



陳陳書策認秦餘料量舊稿珍殘夜位置新花對故吾  
後飲屠蘇更何說眼中觴牒長諸雛

卷之三  
唐書  
卷之三  
唐書

三









